

radio scola



Cuntegn 389 Il truffel
 390 Libellas
 391 Igl process d'ena streia
 392 Rabius

Ignaz Vinzens
Gieri Antoni Caviezel
Mario Jegher
Giachen Degonda
Augustin Manetsch
Ida Flepp

3-88

radio scola

Organ uffizial
da la cumissiun da Radioscola CRR
(Cuminanza Rumantscha
da Radio e Televisiun)

Ediziun

Radio rumantsch, Cuira

Cumissiun da Radioscola

Gieri Caviezel, president e
represchentant dal radio,
7000 Cuira, tel. 081-22 95 66

Claudio Gustin, inspector,
7531 Sta. Maria, tel. 082-8 53 05

Mario Jegher, scol. sec.,
7451 Tinizong, tel. 081-74 17 24

Augustin Manetsch, scol. sec.,
7180 Mustér, tel. 086-7 53 32

Georgina Schaller-Gabriel,
surmestra, 7431 Donat,
tel. 081-61 17 08

Olinda Tschalèr, scolasta,
7130 Glion, tel. 086-2 17 61

Rico Falett, magister real
7554 Sent, tel. 084-9 10 32

Cumissiun redacziunala

Gieri Caviezel, coordinatur e
responsabel per l'ediziun

Rico Falett, 7554 Sent, tel. 084-9 10 32

Mario Jegher, 7451 Tinizong,
tel. 081-74 17 24

Cristian Joos, post da programs,
7000 Cuira, tel. 081-22 95 66

Temp d'emissiun

9.00–9.30 sin la quarta
cadeina grischuna
gievgia: emissiun
glindesdi: repetiziun

Abunament

6 carnets: 12. — frs.
Carnet singul: 2. — frs.


Empustaziuns a:
Radio rumantsch, Radioscola
Via dil teater 1, 7000 Cuira
telefon 081-22 95 66

Cuverta: Jacques Guidon

Tut las emissiuns dal Radio rumantsch
vegnan emessas sin la quarta cadeina grischuna

Survista da las emissiuns dal Radio rumantsch

	glindesdi	mardi	mesemna	gievgia	venderdi	sonda	dumengia
09.00	Radioscola			Radioscola			
10.00	Repetiziun			Repetiziun			
10.03							
11.00	Allegra	Allegra	Allegra	Allegra	Allegra		
12.00	Allegra	Allegra	Allegra	Allegra	Allegra		
12.15							
12.30							
13.00							
12.40							Agri-cultura
14.00							
13.55							
fin							
17.00							
17.03							
18.00	Diari	Diari	Diari	Diari	Diari		
18.20							
18.30							
19.00							
19.10							
19.30							
20.00							
20.15							
21.00							
22.00							

Novitads:  subregional  regional
 subregional  nazional

Emissiuns rumantschas da televisiun

Svizra rumantscha

La Svizra rumantscha
vegn emessa mintga
4. dumengia da las
18.00–18.45

Telesguard

Il Telesguard vegn
emess mintgamai la
sonda da las
17.25–17.40 e repeti la
dumengia da las
13.15–13.30

L'istorgia da bunanotg

L'istorgia da bunanotg
vegn emessa mintga-
mai il mardi da las
17.45–17.55 e la sonda
da las 17.40–17.50.

In pled sin via

Il Venderdi sontg,
l'Ascensiun, l'emprema
dumengia d'avust e a
Nadal.

Program d'emissiun Radioscola



14-04-88
18-04-88


Il truffel

da Ignaz Vinzens

Pagina
2

Mintga jamna maglia mintgin da nus in bionton truffels che vegnan cuschinai a differentas modas e manieras. Pia ina buna casualitad d'emprender d'enconuscher empau pli detagliau quei fretg interessant.

Quell'emissiun ensemen culs fegls da lavur leutier muossan co elaborar quei tema en scola.



28-04-88
02-05-88

Libellas

da Gieri Antoni Caviezel

10

La libella ein in dils pli interessants insects che viva cheu tier nus. Cun quei che nus schein svanir adina dapli dutgs, puozs, laghets e palius ein differentas sorts da libellas periclitadas ni gia mortas ora.

Quei insect fascinescha tras las bellezia colurs e lu eis el oravontut in meisteracrobat el sgol. Cun quell'emissiun lessel mussar il svilup dalla libella naven dalla paregliaziun, il deponer ils ovs, la veta dalla larva ell'aua entochen la metamorfosa.



05-05-88
09-05-88

Igl process d'ena streia

da Mario Jegher

23

Streia e barlot – dicziuns tgi fon oz pac impressiun. Betg uscheia avant 3 tschentaners, cura ins ò inculpo carstgangs innocents d'aveir fatg patg cun igl diavel e da far strign e barlot.

Las scenas cò preschantadas vottan dar en maletg da chella «malsogna spirtala» digl bung taimp vigl e cotras mussar cant crudevels tgi carstgangs son esser e noua fanatissem e superstiziun son manar.



26-05-88
30-05-88

Rabius

da Giachen Degonda, Augustin Manetsch,
Ida Flepp

27


Cun quell'emissiun emprova igl autur da mussar entginas atgnadads dalla vischnaunca da Rabius. Da grond'impurtonza per ina vischnaunca ein segir las differentas uniuns. Quellas mantegnan la tradiziun e promovon la cultura dil vitg. Lu dat ei ina massa da raquintar da temps vargai e naturalmein era dalla situaziun d'ozildi. Lavinass e bovas han cuschunau beinenqual donn e biars quitaus el decuors dils davos decennis e tschentaners. Ei dat naturalmein era bialas reminiscenzas da quei bi vitg ella Cadi.

Il truffel


14-04-88 emissiun
18-04-88 repetiziun

Per saver observar co ils truffels creschan sut differentas cundiziuns stueis vus plantar plirs truffels en trucs da fluras ni en auters vischals. Forsa haveis vus schizun la scola damaneivel d'in pur che metta segir a disposiziun a vossa classa in toc prau per semnar entgins truffels. Quei pign èr tucca ei allura da tgiar. Suentar ch'ils truffels ein semadirai saveis vus lu cuschinar ina buna tschavera en scola. Recepts anfleis vus en mintga cudisch da cuschinar. Cussegl datan segir era la scolasta da tenercasa ni vossas mummas. Plinavon saveis vus retrer in grond poster cun tuttas specias da truffels ed autras informaziuns tier la: Schweizerische Kartoffelkommission, 3186 Düringen.


cundiziuns normalas




truffels lavai




senza glisch



senz'aua



Il truffel



1. _____

2. _____

3. _____

4. _____

5. _____

6. _____

7. _____


8. _____


Entras ils S ei il truffel vegnius
 el avel tschentaner dall'A dil
 s en l'Europa. Tier nus ei il truffel ozilgi ina dal-
 las pli impurtantas vivondas. Dalla Spagna anora ei
 quella plonta sederasada fetg spert viers igl ost ed ins
 suppona ch'in g s
 a R hagi purtau quei fretg marveglius
 igl onn 1590 per l'emprema gada en Svizra.

Dil truffel magliein nus mo la part s
 dall'entira plonta. Duront la stad vegn il t
 da s ners e smarschescha. Vid las
 creschan novs truffels.

Adatg: Il truffel ei buca ina ragisch!

La macchina da cavar truffels






Il truffel ha egls marve-
glius. Quels egls numn'ins
cagls. Ils cagls catschan
mintgamai la primavera
novas frastgas. Ord min-
tga truffel da sem dat ei
ca. 10 truffels.

Las pli enconuschentas specias ein:

_____	_____
_____	_____
_____	_____


La mumma sa cuschinar truffels sin differentas modas:

1. experiment




Fai permiez in truffel e dai
in pèr daguots da jod sil
truffel. Tgei schabegia?

2. experiment



50 g

cun pelletscha





50 g


senza pelletscha


Controllescha la peisa dils truffels suenter in di!


Dil sem entochen tiels pommes frites!











Malsognas e parasits


Cancer dil truffel:



Ina malsogna nuscheivla e contagiusa da buliu.

Ils truffels survegnan ina carschientscha alv-melna che vegn pli tard ner-grischa. Il truffel smarschescha.

Plugls dalla feglia:



Il plugl da feglia sa infectar ils truffels cun malsognas.

Aschia sa il truffel sesviluppar mo malamein ed ei dat paucs e pigns truffels igl atun.

Smarschem dalla feglia:



Ina malsogna da buliu che sepeglia fetg spert sch'ei fa ditg macort'aura.

La feglia vegn igl emprem brina e nera agl ur, silsuenter smarschescha la caglia.


Bau da Colorado:




Quei bau ei vegnius importaus dall'America. El ei ca. 1 cm liungs ed ha alas melnas cun sdremas neras.

Las larvas maglian la feglia e l'entira caglia. Els semultiplicheschan fetg spert.

Tagl tras la flur-truffel



Tagl tras la cocla (fretg)



Sligiazziuns

Il truffel

1. la flur
2. il fretg (cocla)
3. la feglia
4. il cagl
5. il cagl lateral
6. il truffel da sem (bulba veglia)
7. il truffel niev
8. las ragischs

Exercezi da largias

Spagnols, 16avel, America, sid, gar-dist, svizzer, Roma, sutterrana, truffel, sem, ragischs,

Bintje
Ostara
Urgenta

Désirée
Stella
Sirtema

maluns, buglia da truffels, salata da truffels, pommes frites

Experiment 1

Il truffel daventa ners. Quei ei igl amet da truffels, in dils pli impurtants nutriments per carstgauns ed animals.

Experiment 2


Il truffel cun pelletscha ha exactamein la medema peisa. Quel senza pelletscha ei tut secs e bia pli lev. La pelletscha schurmegia il truffel e conserve-scha la humiditad.

Dil sem entochen tiels pommes frites


- arar igl èr, cuntschar, cavar las vias pils truffels.
- semnar ils truffels, curclar els.
- zerclar igl èr per ch'ei detti bia truffels.
- far si truffels (mantunar) per ch'ils truffels daventien buca verds dil sulegl.
- cavar ora ils truffels e cuschar a casa ils pommes frites. Il truffel da sem ei smarschius.

Libella, mustgacavagl, mazzacavals


28-04-88, 09.00 emissiun
02-05-88, 09.00 repetiziun




Libella pintga



Libella gronda



Larva dalla libella pintga



Larva dalla libella gronda

Tschittas, bauss, aviuls, saleps e libellas s'audan tiels insects. Sigl entir mund dat ei 8000 sorts libellas. En Svizra enconusch'ins 78 sorts. La gronda part da quellas semultiplichescha era cheu tier nus. Autras vegnan dil sid e passentan sco hosps ina part da lur veta en nossas regions.


La pli gronda part dalla veta passentan las libellas sco larvas ell'aua. La libella ei in insect da rapina che meina denton ina veta fetg mudesta. Cu las libellas ein carschidas ora bandunan ellas l'aua. Enteifer paucas uras sesviluppeschon – ord quellas larvas macortas senza color – bellezza insects dalla tiara cun grondas alas, cun hazers egls fatschetta ed in tgierp grazius. Ellas crodan en egl a mintgin sco meister-artist da sgular.

Tier las libellas distingu'ins 2 gruppas principalas: La libella gronda e la libella pintga.


Sin fundament dalla pareta san ins distinguer quellas duas sort libellas senza problem.

natira	libellas pintgas	libellas grondas
tgierp	grazius, satel	robust, ferm
fuorma dallas alas davon e davos	bunamein tuttina	different
posiziun da ruaus	alas serradas ensemen sul dies	alas aviartas ora horizontal
tgau	en fuorma da zuola (cilendric)	en fuorma d'ina mesa rucla
sgol	sgulatschond, plaun	furius, spert
statura dallas larvas	satel, cun combas liungas	robust, brac, stagn
part davos dallas larvas	3 spinas da remar	cua cun 5 spinas


Digl iev entochen tier la libella



Il sgol dalla libella gronda

[illegible]

Il ciclo da veta dalla libella



1. _____


2. _____

3. _____

4. _____


5. _____

Las larvas dallas libellas vivan ell'aua



Respiraziun e locomoziun


Veta da rapina




La naschientscha dalla giuvintschalla ticlada
(Mosaikjungfer)



1.



2.




3.

1. _____

2. _____


3. _____



4.



5.




6.


4. _____


5. _____


6. _____

La paregliaziun











Deponer ils ovs





Entginas libellas indigenas

Libellas pintgas

radioscola 18

sort	ambient dallas larvas	frequenza	lunghezia dil tgierp (mm)	larghezia dallas alas (mm)	enzennas, particularitads, remarcas
libella plimada (Federlibelle)	puoz, rivas da lags, cava da gera, canals	savens	35	45	ell'entira Svizra, oravontut ella bassa, falombra, castga ♀ lev verd, ♂ clar blau.
giuvintschalla-fier cavagl d'azur (Hufeisen-Azurjungfer)	aua stagnonta e lev currenta, cavas da gera	fetg savens	35	45	derasada entochen sur 2000 m s.m. ♀ clar verd, ♂ clar blau, tarlischont, cun il segn da fier cavagl sigl 1. segment
giuvintschalla-migiel d'azur (Becher-Azurjungfer)	rivas da lags, laghets, cavas da gera	savens	35	45	dapertut, ella muntogna schizun sur 2000 m s.m., oravontut sur surfatschas d'aua libra ♀ verd ni brin, darar blau, ♂ azur blau, tarlischont cun il segn da migiel sigl 1. segment
egl granat grond (Grosses Granatauge)	grondas surfatschas d'aua stagnonta cun plontas dall'aua che senodan, cavas da gera	pulit savens	40	50	entira Svizra, entochen sin 1200 m s.m. sesa savens sin la feglia dallas rosas dall'aua. ♀ verd, ♂ blau cun egl cotschens glischonts.
libella d'Adonis (Adonislibelle)	sper auo currenta ed auo stagnonta	savens	35	45	mudesta, era ellas muntognas ♀ + ♂ tgietschen
giuvintschalla gronda da scherva (Grosse Binsenjungfer)	auas cun pauc nutriment, palius bassas	rara	45	60	spatitschada, surviva era sche las auas nua che las larvas vivan schigian vi. ♀ + ♂ verd-metallic, drova plontas cun scorsa per deponer ils ovs, oravontut salischs.
giuvintschalla cumina da scherva (Gemeine Binsenjungfer)	laghets, cavas da gera, palius	savens	35	45	plitost rara el sid dalla Svizra ♀ color d'irom, ♂ verd-metallic
libella cumina d'unviern (Gemeine Winterlibelle)	puozs, laghets, cavas da gera	pulit savens	35	45	giu la bassa ell'entira Svizra ♀ + ♂ suren brin cun tarlischur d'irom, las varts clar besch, surviva igl unviern sco insect sgulont.


Libellas grondas

sort	ambient dallas larvas	frequenza	lunghezia dil tgierp (mm)	larghezia dallas alas (mm)	enzennas, particularitads, remarcas
giuvintschalla ticlada blau-verda (Blaugrüne Mosaikjungfer)	auas stagnontas da tuttas grondezias	fetg savens	75	100	dapertut entochen sin altezias mesaunas savens sper biotops da curtgin, ♀ cumparsa ticlada verd-ner, ♂ cumparsa ticlada blau-ner, sgola senza paus
giuvintschalla ticlada brina (Braune Mosaikjungfer)	rivas da lags, laghets, puozs e cavas da gera	savens	85	100	ei savens in tec naven dall'aua, maunca el Tessin ♀+♂ allas d'aur, tgierp savens brins
giuvintschalla ticlada d'atun (Herbst-Mosaikjungfer)	rivas da lags, laghets e cavas da gera	pulit savens	80	85	mo ella bassa, fuorma tipica digl atun, ♀ per pli tarlischont, mellen-verd, ♂ semegliant alla giuvintschalla ticlada blau-verd, denton cun in torax verd-brin, sgola pér naven digl uost
libella roiala gronda (Grosse Königslibelle)	puoz, laghets, cavas da gera e palius	fetg savens	75	100	per part emigrada dil sid, insect nomad che sgola entochen sin 4000 m s.m. ♀ cun in abdom blau-verd, signau levamein ner, ♂ cun in abdom blau, signau levamein ner
libella da smaragd cumina (Gemeine Smaragdlibelle)	laghets, puozs e cavas da gera	savens	55	70	entira Svizra, era en muntogna, el Tessin fetg rara ♀+♂ stgir-verd, egls verds tarlischonts
venter plat (Plattbauch)	pultauns d'arschella, foss	savens	45	75	dapertut, savens singuls exemplars, sort da pionier, era en muntogna ♀ oliv-brin, ♂ cun colur blaua da tschera, il num vegn digl abdom plat
quater tachels (Vierfleck)	laghets, cavas da gera, palius bassas	savens	45	80	libella vaganta ♀+♂ brin-oliv, mintg'ala ha sigl ur davon enamiez in tachel
paliat blau grond (Grosser Blaupfeil)	lags, laghets, puozs, cavas da gera	fetg savens	55	80	dapertut, oravontut en regiuns bassas ♀ oliv-mellen, ♂ cun torax brin, abdom cun colurs blauas da tschera
Libella da pastira (Heidelibelle)	auas buca profundas da tuttas sorts, palius	savens	40	65	libella vaganta ♀ brin-grisch, ♂ tgietschen


La mesadad dallas sorts da libellas dalla Svizra anfl'ins en cavas da gera. 20 sorts libellas ein ozilgi aunc numerusas. Denton ein 60 sorts fetg raras ni gia mortas ora.

Classificaziun dallas libellas

radioscola 20



Profil tras in puoz ni laghet artificial (model)



- | | | |
|----------|-----------|-----------|
| 1. _____ | 6. _____ | 11. _____ |
| 2. _____ | 7. _____ | 12. _____ |
| 3. _____ | 8. _____ | 13. _____ |
| 4. _____ | 9. _____ | 14. _____ |
| 5. _____ | 10. _____ | 15. _____ |

Sligiazions

Il sgol dalla libella gronda

La libella gronda s'auda tiels acrobats da sgular. Ella sa midar direcziun da sgol sco il cametg. Plinavon sa ella star el medem liug ell'aria e schizun sgular anavos ei negin striegn per la libella gronda. El sgol anavon contonschan las libellas las pli spertas ina spertad da 100 km/h (= circa 28 m/sec). Talas spertezias lubeschan ad ellas da pigliar auters insects duront il sgol e schizun da magliar quels ell'aria. Per pigliar e tener la preda drovan las libellas lur combas robustas che possedan pintgas zeiclas e lu las missialas fermezia. Ellas han denton negin uegl.

Il ciclus da veta dalla libella

1. La libella vegn ord la pial dalla larva
2. Avon igl emprem sgol, cuort suenter la naschientscha
3. Paregliaziun
4. Metter ils ovs
5. La larva viva ell'aua sco insect da rapina mai plein

Las larvas dallas libellas vivan ell'aua

Respiraziun e locomoziun

Las larvas dallas libellas respiran l'aria tras brantschas dalla beglia. L'aua vegn buca tschitschada cun la bucca mobein cun la part davos dil tgierp. Igl oxigen vegn prius lu ord quell'aua che sesanfla ella beglia. Ein las larvas en prighel vegn quell'aua stuschada en in zaccogn davos ora e la larva setta anavon sco ina racheta.

Veta da rapina

Discus seschluetan las larvas dallas libellas vitier la preda. Cun ils crutschs gits dalla mascra tegnan ellas la preda. Cheu settracta ei d'in moviment hidraulic. La preda vegn tratga vitier la bucca e l'unfrenda vegn manizzata e magliada.

La naschientscha dalla giuvintschalla ticlada (Mosaikjungfer)

1. La larva ch'ei ussa madira per la naschientscha reiva d'in cost d'ina plonta siadora e franchisescha il tgierp cun sias greflas circa 40 cm sur il livel dall'aua. In'ura e mesa pli tard sbatta la larva la part davos dil

tgierp vidaneu per controllar sch'ella hagi spazi avunda per schluitar.

2. Circa 40 minutas pli tard rumpa la pial dalla larva sil tgau e denter las alas. Il Brust ed il tgau cumparan. Las combas novas vegnan tratgas ord la pial veglia dalla larva. Las alas bandunan la teigia veglia dalla larva.
3. Aschia penda la libella in'ura cul tgau engiu. En quella posiziun stat ella entochen che la membra vegn dira.
4. Cun in zaccogn sesaulza igl insect, setegn vid la pial dalla larva e traì la part davos ord la teigia veglia.
5. Ussa pumpa la libella in liquid mel-len-verd ellas aveinas dallas alas. Aschia sa ella sfaldar quellas.
6. Aschigleiti che las alas han contonschiu l'entira grondezia vegnan ellas diras, perdan la color melna-verda e daventan transparentas. Suenter vegn la part davos dil tgierp stendida. L'entira naschientscha dalla libella ha cuzzau bunamein 4 uras. Gl'emprem sgol succeda per l'autra damaun.

La paregliaziun

1. Persecuziun e prender possess d'ina femella: Il mascial peglia gl'emprem la partenaria cun las

combas, volva sia part davos dil tgierp anavon ed empleina allura il sac da copulaziun (Begattungstasche) cul sperma.

2. Midada da tegn: il mascial peglia ussa la femella cun la part davos dil tgierp (che vesa ora sco ina zaunga) per la totona e lai liber las combas.
3. Avon e savens era suenter la paregliaziun sco tala sgola ni ruaussa il per en ina formaziun da tandem.
4. Cura che la femella volva anavon sia part davos e penda quella vid il sac da copulaziun dil maschel plaidd ins d'ina roda da paregliaziun (Paarungsrade). En quella posiziun vegn la femella fructificada.

Deponer ils ovs

Ina gronda part dallas femellas han in uegl per furar ruosnas ellas plontas e deponer leu ils ovs. Tier entginas sorts da libellas resta il per ensem sco tandem era duront il deponer ils ovs.

Las libellas dalla scherva van schizun sut l'aua en per metter lur ovs. Ellas vegnan gnanc bletschas e san sgular naven immediat suenter ch'ellas vegnan puspei alla surfatscha.

Dretg sisum ves'ins las ruosnas che la libella ha furau el best.

Dretg giudem ves'ins mintgamai 2 ovs per ruosna sch'ins fa in tagl tras il cost.

Profil tras in puoz ni laghet artificial (model)

1. sanetsch dall'aua	=	Wasser-Kreuzkraut
2. scherva sgulatschonta	=	Flatter-Binse
3. caretsch mellen	=	Gelbe Segge
4. flur pieun	=	Dotterblume
5. cua gat	=	Schachtelhalm
6. litra	=	Weiderich
7. alga candelaber	=	Armleuchteralge
8. ros'alva dall'aua	=	Weisse Seerose
9. iris, gladiola melna	=	Gelbe Schwertlilie
10. pastg	=	Gras
11. turschet	=	Igelkolben
12. lentelgia d'aua	=	Wasserlinse
13. cannatscha	=	Rohrkolben
14. alisma	=	Froschlöffel
15. caretsch	=	Segge

Litteratura

Libellen
Kleinsten unserer
Gewässer
Sondernummer I/1981
Sekretariat SBN
Postfach 73
4020 Basel

Dias

Zum Lebensraum Kies-
gruben – Kleingewässer
Kümmerli + Frei
3000 Bern

Film

Verwandlung der Libelle
nr. 334, 13 min
Super 8 Farbfilm, SAFU
Weinbergstrasse 116
8006 Turigt

Igl process d'ena streia

05-05-88 emissiun
09-05-88 repetiziun

Disposiziun dall'emissiun

L'emissiun cumpeglia las suandontas scenas:

- inculpaziun
- tgisa
- process
- executiun

Introducziun all'emissiun

a) Indicaziuns generalas

Durant igl 17avel e l'amprema mesadad digl 18avel tschentaner ò rigia tar nous la cretta an streias e striunem e tschents e tschents persungas innocentas èn cotras nidas persecutadas e mazzadas u arsas.

I sa tratta cò d'ena cumpletta confusiun, da crettas blavas, d'ideas fantasticas e da superstiziun. Principalmentg durant onns da ghera, fom e pestilenza è l'imaginaziun tgi persungas saptgan esser streias davantada ena epidemia, tgi ò tschiff grondas parts digl pievel e da sias autoritads.

Las streias – i sa tratta prest adegna da femnas – nivan inculpadas tgi seian an mang agl diavel e tgi fetschan cun lur strign donn agls concarstgangs ved roba e veta. Savens niva fatga la denunzta sen fundamaint da confess e deposiziuns da streias gio sintintgidas u da persungas scuidousas e da schleta conduita.

Davant dertgira nivan las streias tgirladas e sottomessas ad ena rigurosa inquisiziun. Chegl niva repetia anfignen tgi las povras createiras na pudevan ple e confessavan sot s-chitsch dallas torturas d'esser culpantas. L'execuziun dalla decisiun dalla dertgira era tgossa digl boier. Igl ò er do cass, noua l'inculpada è nida da mitschier per mancanza da mussamaints. Ossa niva la poretta pero suspettata e persecutada anavant.

Deplorablamentg on las Baselgias, tant la catolica scu la refurmada, betg piglia posiziun clera cunter chella noscha epidemia digl taimp. Ins ò fatg

adiever digl exorcissem e pruvo da scundeir igl diavel ed uscheia promovia la povra sort da talas persungas. En'eda sintintgidas stuevan talas createiras esser amblidadas per adegna. Uscheia niva fatg navot per igl saleit da lur olmas, scu la baselgia fò per oters defuncts. Er èn igls noms da tals morts betg nias scretgs ainten igl codesch digls mortoris.

b) La tradiziun populara e las streias

Da chel taimp stgeir da streias e barlotans rachinta anc la tradiziun populara. Igl è chegl las detgas tgi èn nidas traideidas da generaziun tar generaziun. Ellas èn nidas rimnadas da Caspar Decurtins e nidas publitgeidas ainten la Crestomazia, tom X (Surmeir). Nous laschagn suandar cò varsacantas detgas da streias, cumpareidas ainten igl Calender Surmiran 1975 ed adattadas alla scripziun odierna da Faust Signorell.



La zerp da Barnagn

En om da Salouf geva taimp d'anviern a Savognin a pavar or sies movel, essend tg'el veva l'ò fons a tschains. Midond uigl stueva el passar cun sies movel dasper igl crap da Barnagn. Passond siva chel or, sa ruschnava mintga eda ena grossa lunga zerp notiers, la quala stranglava igl pi bel toc or digl movel. En pèr gedas è igl omet sto surpiglia talmentg da tema e snavour, tg'el n'ò savia far navot ancunter la zerp. Ma finalmentg era la maseira tuttegnna plagna. Tar la proxima midada s'armescha el cun ena gida zappa. Rivond la zerp puspe segl li, igl omet la meira ena tala freida digl dies giu tg'ella vo per mez. L'oter de tutgivigli a Tinizong bagn marvegl sains da mort. Egnà dallas missuias ins veva catto an letg cun rot igl dies. Tenor manager general era tala la zerp da Barnagn.



Streias vignan arsas segl carschner

Igl giat dallas Punts

Eneda tgi omens da Surses sa cattavan cun igls bovs sen viada per eir an Vuclegna per vegn reivan els anfignen las Punts.

Tottanegna saglia en giat neir tranter las tgommas dallas manadeiras, uscheia tgi chellas na levan betg far ple pass. Ins ò ampruo da sfugianter igl giat, ma adumbatten. Egn digls vitturigns davainta malpaztgaint e teira cun totta forza la giaschla cunter igl giat. Chel resta anavos cun rot ena tgomma. Ena missuia da Tinizong ò tal de rot ena tgomma.

La missuia da Tinizong

La missuia da Tinizong leva adegna eir madretscha. Noua tgi nascheva en unfant, schi sa offerivla da neir madre-tscha. Siva scu tgi igls figliols eran pi gronds, schi faschevla adegna neir els ad amprender la dutregna tar ella. En de è igl bab dad ena figliola ia a gôt e la mattatscha è er eida cun el. Scu tg'igl è sto ve en'urela dei igl bab alla sia feglia: «la va ena terribla seid.» Sen chegl dei la mattatscha: «Schi te vot bever latg, schi glez viglia bagn far neir, ma ava na sunga betg bunga.» «Bung, bung», dei igl bab, «schi fò angal neir latg, ia sa er bever latg.» La mattatscha

vo alloura ve dasper ena tschitga e fò ensatge, e cò ègl antschet a correr latg bi avonda. Igl bab dumonda ad ella, ma co tgi ella saptga far chegl. «O, la mia madretscha ò musso», dei la feglia. Igl bab è ia a tgesa dabot ed ò detg er alla sia mamma, tge bela dutregna tgi la madretscha vegia musso alla feglia. E la madema dutregna veva ella musso a tot igls sies figliols e figliolas.

Alloura onigl fatg cunsegl tge far per tgi vignan pi spert liberos da chellas streias e striungs. Els on concludia da far mureir tot igls figliols e las figliolas dalla missuia antras tagler l'avagna principala e lascher correr or tot igl sanc.



Streias cun scua tigl barlot

Ord la cronica da persecuziuns da streias ainten igl Grischun

1434 A Tusang èn nidas arsas ples streias. Essend chegl davanto cunter la viglia digl uestg da Coira daclera chel igl interdict per chels da Tusang. Chel vign alloura relaschea igls 21 da schner 1434 essend tg'ins è s'anriclo digl fatg commess.

1583 14 femnas vignan declaradas streias ed arsas.

1714 26 matg. A Sarn vign Cilly Caminada, ena mattatscha da 16 onns, messa ve scu streia.

1760 A Puschlav vign arsa la davosa streia ainten igl Grischun.

1779 Igl davos process da streias agl casti da Riom. Siva lunga inquisiziun vign ena donna viglia da Tinizong tgirlada. Per mancanza da mussamaints vign ella pero relascheda.

Tge è ena streia e tge so ena tala far?

Ena streia è ena femna – savens ena pi viglia – tgi vo da taimp an taimp sen en mona da scua tigl balarot (solt nocturn da streias). Lò fò ella amiceztga e patg cun igl diavel e s'obliescha da far donn agls concarstgangs cun striunar. Chegl so davantar cun far neir malsang, striunar l'ora ed angular e mazzar unfants. Cun strign so ena streia sa transfurmar an en louf, giat u meir. Er renunztga ena streia alla cardientscha cristiana ed agls sacramaints, agl batten ed alla s. Tschagna.

La streia da Tagn

Igl era avant blers onns scu tgi chels da Surava on scargea l'alp. Els on er stuia passar tras Tagn cuncheigl tgi l'alp è anc en toc davains aintase. Cò tottane-gna ègl sto cò ena donna viglia ed ò vurdo tot la biestga. Ossa reivla no tar ena gronda e bela trema. La viglia vo ve dasperas e stretga chella e dei: «Chegl è ossa bagn en bel biestg.» La trema pero ò crappada avant tgi ella è stada a tgesa. Bi dalunga ò la pel antschet a neir raplada lo noua tgi la viglia veva la tutgeida ed ella ò tgappo igl mal neir ed è stada fittada.



Igl boier

Per exequier las decisiuns an cass da malefiz vevan las Treis Leias destino igl boier tgi stava a Coira. La dieta da 1579 veva fixo sia schurnada sen 1 carunga e chella digl gidanter sen 1 ransch. Per tagler giu la testa e per pender se cun la soua survagnivel 4 ranschs. Veva el da star sur notg, schi vev val igl dretg d'ena schurnada supplementara. Oramai tgi igls ustiers n'igl davan betg gugent cutier, nivigl tratg la sort noua tg'el veva da durmeir. Durant l'execuziun purtavel en mantel cotschen.




Igl barlot

Igl faziel dalla streia

Ena povra donna viglia ò catto eneda pang e caschiel ainten en faziel. Ella ò amblido da sa sinar avant tgi piglier. Igl pang vegia ella sez maglea e do agls sies mattatschs. Chegl vegia fatg navot, partge ve digl pang tgi Nussigner ò tant banadia e dulzo or d'otra vivonda ins na possa betg far strign. Igl caschiel ve-

gia er fatg navot. Ma igl faziel ò ella mess se ad egna dallas sias mattatschas. Siva ena pitschna urela ò la pitschna antschet a bargeir e planscher da grondas dalours ve digl culiez. Chel era tot inflammo e la mattetta vurdava cun tema e snavour tot curious anturn e scheva: «Donna faz bua a moi.» Igl faziel vegigl patto ainten igl fi.



Igl banc da torturas

La streia da Tinizong

A Tinizong era en onn ena golp tgi caschunava notg per notg grond donn agls vaschigns da lo. Dus catscheders on fatg igl plan da metter d'en mang chella. Ossa sen chel intent ènigl sa collocos durant las notgs an ena tge-setta tgi sa catta anc ozagilde ainten las Punts tranter Tinizong e Rona. Bleras notgs on els gia nign cletg. La golp niva seira per seira sen la zepla. Mai er'ins pero agl cass da fireir ella. Ins ò antschet a supponer tgi seia strign. Egn digls catscheders è nia segl partratg da metter tscheira pascala sen igl cot dalla fisa.

Uscheia preparos fon igls dus catscheders puspe guardia. La golp reiva sen igl li solit. Igl catscheder meira, sagetta e totga la golp, pero betg mortalmaintg. La golp fireida po sa far or digl pulver, pigliond direcziun cunter Tinizong, laschond anavos tras e tras igls fastezs da sanc.

L'otra dumang bagn marvegl ègl nia ancunaschaint dapartot tgi la sminada golp era an verdad ena missuia da Tinizong.

Igl giat neir a Salouf

Ena streia veva sa fatg an furma da giat e sa rabaglea la sonda seira ainten tginada d'en retg pour per survagneir proviant per igl de dalla dumengia. Madem'oura reiva la seira igl pour an tginada per piglier tger per la dumengia e catta cò en tarment giat neir. Spert panso peglia el en fessel e teira chel siva agl giat e totga chel ainten igl tgea. L'oter de, la dumengia, sa cattava ena femna cun liia se la testa davant baselgia. I niva giuditgia tgi fiss la streia stada la seira avant ainten tginada digl pour retg.

Igl buttatsch cun dus îgls

Eneda en om tgi durmiva è sa dasdo tg'igl tarbet niva tratg giu da dies e chegl sur la sponda da peis or. El ò branco ferm per tigneir igl tarbet, ma la cunterpart tirava cun ple forza, uscheia tg'igl om è – fitgond igls peis cunter la sponda – lavo agler. Tgittond sur la sponda or ò el via en buttatsch a fi cun dus îglatschs treids tgi tirava per igl tarbet.

Igl codesch da strign

I vign ruschano tgi an enquala tgesa vevigl gronds e gross codeschs vigls per amprender a far strign.



Litteratura:

Decurtins C.: Crestomazia
Pieth: Bündnergeschichte
Calender Surmiran 1975
Maissen F.: Radioscola, Carnet 35

Desseigns:

Ord «La strietta» da Winni Gebhardt
Ediziun LR

*Geografia
scalem miez*

*atur:
Giachen Degonda
Augustin Manetsch
Ida Flepp*

*26-05-88 emissiun
30-05-88 repetiziun*

Rabius

Il vitg natal

In cant en ti'honor entscheivel,
Miu vitg natal.
Ti eis il vitg il pli plascheivel
Da tut la val.

Co schais sin spunda sulegliva
Bein da smarvegl!
Gl'unviern è baul tier tei arriva
Il car sulegl.


Atras tei legramein semeina
In rein carin.
Sper el da di e notg scadeina
Enqual mulin.

Pumera bracc'ed aulta crescha
En tiu contuorn,
Cun finas pumas emplenacha
Plantu e fuorn.

O vitg sin la pli biala spunda
Da tut la val,
Tei sai jeu mai ludar avunda,
Miu vitg natal.

Jeu sentel mo in desideri
Ad in sentir:
Dieus laschi mei en tiu santeri
Ruassar, durmir!

Alfons Tuor





Igl origin dil num Rabius deriva dil latin Rabgius – Rabiosus e sereferescha bein sils elements enqualga ualti sfrenai dalla natira ch'ei'n buc adina stai favoreivels per nies vitg.

Tenor ils paucs documents che fan menziun da nies vitg el temps vargau vegn Rabius numnaus per l'emprema gada egl onn 1203 en connex cul «Plaun dalla Jerla», oz las Marias. Pli tard vegn fatg menziun da dispetas pervia digl uorden da schuar. Sper Sagogn e pli probabel aunc auters loghens da nossa vallada ha il schuar giu gronda muntada pil puresser da nies vitg. Pèr els tschunconta cu las stads ein vegnidas pli bletschas ha ins calau da schuar ils funs. Aunc oz ei il sistem extendiu da dutgs per part veseivels ella cuntrada.

Politicamentein s'auda Rabius tier la vischnaunca da Sumvitg. Sper ils vischinadis Sumvitg, Cumpadials e Surrein ed in tschuppel uclauns fuorma Rabius cun quels sco fracziun ina vischnaunca, la tiarza gronda dalla Cadi.



La populaziun enteifer nossa vischnaunca

(dumbraziun 1980)


Fracziun	habitonts
Sumvitg	382 (28%)
Rabius	443 (32%)
Surrein	328 (24%)
Cumpadials	226 (16%)
Total	1379 (100%)


Las siat vischnauncas dalla Cadi

(ina cumparegliaziun)

Medel	135,98 km ²	432 habitonts
Tujetsch	133,91 km ²	1316 habitonts
Sumvitg	104,60 km ²	1325 habitonts
Mustér	90,75 km ²	2155 habitonts
Breil	50,40 km ²	1196 habitonts
Trun	41,74 km ²	1370 habitonts
Schlans	9,30 km ²	101 habitonts

Situaziun geografica





Lavinas e bovas a Rabius

Alfons Tuor descriva il vitg da Rabius sco suonda:

Ti eis il vitg il pli plascheivel
De tut la val.

Era jeu sundel da quell'idea. Rabius ei in bi vitg silla spunda seniastra dalla Cadi. Denton gest quella spunda sulegliva ha gia caschunau enqual prighel pil vitg da Rabius. Alfons Tuor scriva:

Co schais sin spunda sulegliva
Bein da smarvegli!
Gl'unviern è baul tier tei arriva
Il car sulegl.

Gie, gl'unviern arriva era tier nus cun pauca ni biara neiv. Diversas gadas ha la tatschada neiv tementau il vitg muort prighel da lavinas. La lavina dalla val Rabius ei rutta ora diversas gadas ed ei seruclada entochen giu sul vitg. La davosa lavina digl onn 1984 ei sefermada pauc sur las empremas casas dil vitg. Ella ha caschunau «mo» donns vid uaul e vias. Il vitg sez ha puspei inagada giu cletg da quella lavina.

Alfons Tuor scriva vinavon:

Atras tei legramein semeina
In rein carin.
Sper el da di e notg scadeina
Enqual mulin.

Ils mulins scadeinan buca pli, mo ils uals dalla Val Luven e Val Rabius se-storschan aunc adina a val. Era quels dus uals ein buca stai adina aschi ruasseivels. Grondas malauras ha ei dau ella regiun ils onns 1834, 1868, 1920, 1927 e 1987. Seregurdar saiel mo dallas malauras dils 18 da fenadur 1987.

Las jamnas avon la bova ein stadas ualti bletschas. Il venderdis e la sonda ha ei draccau tgei ch'ei ha mo pudiu e quei senza cal. Ils uals dallas duas vals ein carschi ad in crescer. La glieud dil vitg ei vegnida malruasseivla ed ha per part stuiu vegnir evacuada.

Il conduct electric ei vegnius interruts. Ils pumpiers han stuiu semetter alla lavur e far liber ils vaus ed empruar da tener l'aua dils uals nua ch'ella s'udevava. Grondas maschinass han teniu liber las punts per che l'aua possi sut quellas ora. Tuttina ha l'aua pudiu magliar vaus sper quellas ora e caschunar gronds donns sils praus. Biars tschalers ein vegni inundai e l'aua ha caschunau aschia donnuns vid casas, interpresas, praus e vias.



Igl onn dalla neiv gronda 1951



La via denter Trun e Rabius ei bloccada

La dumengia endamaun, il di da Scapulier, ha ei calau in tec da plover e l'aua ei tschessada empauet. Dapertut el vitg ha la glieud entschiet a far uorden per survegnir ina survesta dils donns caschunai. La via principala denter Rabius e Trun era interrutta.

L'aria ferdava da tratsch era sche l'aua dils uals era pulit clara. Ella curreva denton aunc adina en loghens nunsitai.

Las lavurs dallas jamnas proximas ein nundescriviblas. Gronda lavur ha il militar prestau. Mintgin ha empruau da dar damogn al disuorden.

Tgei immens donns che quels uals san caschunar, haiel stuiu constatar la sonda, ils 18 da fenadur 1987. Speranza ei quei stau in eveniment singular!

Tier tut las lavinas e bovas che han caschunau grondas temas e destruiu fetg bia, sundel tuttina aunc loscha dil bi vitg Rabius e sperel che quei resti aschia. Alfons Tuor scriva aunc en sia poesia «Il vitg natal»:

O vitg sin la pli biala spunda
De tut la val,
Tei sai jeu mai ludar avunda,
Miu vitg natal.

Ida Flepp

Station Rabius-Surrhein



La staziun dalla viafier ei vegnida eregida 1912

Rabius – sco plaz da lavur e gudogn

Sco ils biars da nos vitgs fuva era Rabius avon onns in vitg puril. Oz, suenter la megliuraziun dil funs, dumbran ins aunc circa siat menaschis purils cun ina surfatscha da pressapauc 200 ha terren agricol. Quels paucs menaschis, cun in diember intragliauter da 40 tgaus e cun stallas modernas, ein solids menaschis purils.

Sper ils dus uals che percuoran il vitg han ins eregiu avon tschenteners plirs mulins. Silsuenter han ins construì aunc entginas resgias che fagevan medemamein diever dalla forza dall'aua. Aschia obtegn Toni Mudest Maissen gia egl onn 1837 dalla vischnaunca la lubientscha d'ereger allas rivas digl ual da Luven ina resgia.

Las fabricas dils Maissens, sco quei ch'ellas vegnan numnadas aunc oz, existan aunc e quei sco menaschi modern e conforms al temps hodiern. Da l'autra vart dalla riva secatta la resgia e scrinaria dils frars Bearth, medemamein in menaschi raziunalisau e bein tgamunsaus. Bein enconuschenta ei era la fabrica da cuschinas Gabriel Lutz. Cun ses biebein 20 luvriers producescha el la cuschina «Tödi» ch'ei enconuschenta lunsch entuorn.

El sector da baghegiar ei la firma Beer SA fetg renomada. Grazia alla cava da sablun e gera eis ella ina dallas pli efectivas en nossa tiara e posseda oz ina basa solida. Quell'interpresa dat lavur a circa 80 luvriers. Dasperas dat ei aunc entgins picturs e stagners. La mesadad dils occupai anfla lavur a Mustér (Stampa Romontscha, Landis & Gyr, hotels), a Trun (fabrica da ponn e vestgadira), a Glion e Tavanasa (ovras electricas).



Rabius

Igl uoppen simbolisescha ils divers mulins che stevan antruras allas rivas dils dus uals che percuoran il vitg.

Ina episoda ord il temps dils Franzos ella Cadi!

En connex culla sollevaziun dils Sursilvans igl 1. da matg 1799 encunter ils Franzos raquenta il renomau scienziat e cronist, pader Placidus a Spescha (Sein Leben und seine Schriften, biblioteca cant. Cuera), il suandont schabetg: Suenter la mazzacrada sgarscheivla dils 80 perschuniers franzos – 500 pass

avon il vitg da Mustér – che duevan vegnir menai a Trun, eis ei reussiu tscheu e leu a gruppas singulas da schuldada franzosa da scappar els uals e cheutras spindrar lur veta dalla gretta dils habitonts dils vitgs ed uclauns. Essend ils umens giuvens e vegls serendi alla Punt per frenar las truppas franzosas (ina battaglia ch'ils Sursilvans han lu spiars en zanur ils 6 da matg 1799) ein las femnas ed ils affons sefatgs tscheu e leu silla tscherca da quels fugitivs franzos. Armai cun pals, fuortgas, tardens, faultschs ed aunc auters uaffens ein els semess sin via encunter la val Rabius. Leu han quellas valerusas femnas da Rabius gleiti giu anflau ils fastitgs dils inimitgs. Ils franzos, nov en tut, han spert bess naven las armas ed han rugau instantamein per perdun. Fuss buc in pur da Trun cul num Cristian Cagienard daus denteren, vess ins giu pauc compassiun culs pupratschs e stiletau quels. Sil cussegl da quei sabi pur han ins schau perschua-der da menar ils perschuniers franzos a Sumvitg e surdar els leu al plevon. Il plevon saveva proteger ils perschuniers. En casa dalla nobla famiglia dils Lombrisers, ch'era enconuschenta sco adherenta dalla partida dils Franzos, ein ils nov schuldai franzos vegni arrestai e preservai dalla gretta dil pievel alterau. Cu las truppas franzosas ein vegnidas, suenter lur victoria alla Punt, atras Sumvitg han ins saviu surdar ils arrestai en buna constituziun corporala alla truppa franzosa. Aschia ei la vischnaunca da Sumvitg mitschada dalla sgarscheivla vendetga ch'ei vegnida sul pievel dalla Cadi e che ha caschunau immensa miseria e dolor els vitgs ed uclauns da nossa vallada. La prudientscha da quellas femnas valerusas da Rabius numna Placidus a Spescha in ver act da carezia proximala.



L'armada franzosa

Alfons Tuor, il renomau poet da Rabiis 1871–1904

La famiglia Tuor ei stada da gliez temps ina famiglia cun ina tenuta tut speciala. Il bab d'Alfons Tuor, il Gion Antoni, ei staus deputau e mistral dalla Cadi. Entgins onns eis el seccaus cun sia dunna a Cuera nua ch'el ha luvrau sco assistent dil Cussegl pign. Oz numn'ins quel in cancelier. A Cuera ein era entgins da ses affons naschi. Alfons ei carschius si ensemen cun aunc 6 frars e duas soras. Da 1884 entochen 1891 ha Tuor frequentau la scola cantunala a Cuera. Durent quei temps ha el scret sias empremas contribuziuns per las «Annalas».

Cunquei ch'igl Alfons era mendus d'ina comba e mava zops eis el sededicaus gia baul alla musica ed ha scret poesias. Cun enzacons amitgs ha el fundau anno 1890 il Chor Romontsch dalla scola cantunala. El ha rimnau massa canzuns veglias, ha scret sez plirs texts ed era translatau differentas canzuns cun bien dun. Gia il bab Gion Antoni ha fatg da siu temps beinenqual poesia. Suerter la matura ei Tuor serenadiu all'universitad da Turitg ed ha studegiu leu la litteratura latina, taliana, franzosa ed englesa. Alla Sorbonne a Paris ed en Engheltiara a Scarborough eis el sepperfecziunau els lungatgs dalla tiara. Da quei temps dattan duas poesias perdetga:

Sundel ius en tiara jastra cun curasch'e legherment
E vesel la ventira gia dalunsch a mi rient
Mo cun larmas sin la vesta mir'ieu ussa sin la mar
Patria, patria tei egl jester hai empriu da carezar.

En la mar profunda serevelescha il maletg dall'olma malruasseivla sco l'aua dallas undas:

Jeu stundel sin la spunda
E mirel sin la mar
E contempleschel l'unda
Che rocl'ad in ruclar.

Ella poesia dil «Semnader» tschenta Alfons Tuor all'entschatta la damonda suenter il «pertgei». Quei «pertgei» repeta el lu alla fin senza haver survegnu in risposta:

Pertgei, mi declara, fa gl'um che leu semna
Cun levzas pallidas, tremblontas ses pass?
Pertgei quella fatscha seriusa, solemna
Sco sch'el sur misteris traso patertgass?


Suerter siu retuorn ha Alfons luvrau sco scolast 1894/95 agl institut Ryffel a Stäfa. Sia comba malsaua e dolorosa ha sfurzau il giuven senza remischun d'in spital a l'auter, mo negin ha saviu gidar el.

El suspira:

O co las notgs ein liungas e vulan mai finir
cu ins sa notgs entiras buc in mument durmir.

Buc in mument ha el denton piars la curascha e la speronza. El ei sedustaus aschi bein sco el ha saviu e pudiu cun sias crutschas. Al pievel romontsch ch'el carezava zun fetg ha el regalau canzuns e poesias denton era ina prosa fascinonta. El ha scaffiu differentas burlescas e cumedias. Ina da sias davosas ovras ei stada sia «Fabiola en romontsch». In da ses giavischs fuss staus da crear ina grammatica sursilvana, mo la regenza grischuna ha buca dau l'incumbensa da scriver quella. Quei ei stau ina greva frida pil poet da Rabiis.

Culs onns daventa Alfons Tuor in grond poet lirik. Si'expressiun ei ina fuorma sereina en tun e plaid. Con crudeivels ch'il destin sa esser seresulta d'ina dallas pli enconuschen-tas poesias romontschas:



Relief da bronz d'Alfons Tuor

O schei vus claras steilas
El firmament
Pertgei viv'ins sin tiara
Mo in mument?
Pertgei ston ins sin tiara
Pitir, pitir
Quei cuort mument ch'ins viva
E lu murir?

Igl onn 1897 ei Alfons Tuor pelegrinaus a Lourdes. El era in grond veneratur da Nossadunna. Leu implorescha el en pietad agid e sustegn per sia veta plein travaglia. El «Magnificat» anfl'ins pliras canzuns marianas dad el. Ils 19 da mars 1904 ei Alfons Tuor morts. Siu giavisch da vegnir satraus el santeri da Rabiis, ch'era vegnius eregius per cuort temps avon, ei ius en vigur:

Jeu sentel mo in desideri
Ad in sentir
Dieus laschi mei en Tiu santeri
Ruassar dormir.

Perdetga da quei poet enconuschent dattan inagada la fontauna amiez il vitg da Rabiis ch'ei decorada cun in maletg d'Alfons Tuor e lu ina tabla all'intrada dalla casa paterna che fa attents ils viandonts nua ch'el era da casa. Sper igl ischi el Curtgin d'honor eis el medemamein vegnius undraus cun in monument, cun ina renconuschienscha ed in duiu engraziament per sia gronda lavur litterara e per ses merets en favur da nies lungatg romontsch:

Tgei lein sesfar
Tgei sepanzar
Per viver quater dis



La Uniun dramatica da Rabijs
«Ils Franzos ella Cadi» 1943

L'uniun dramatica Rabijs

Sper aunc entginas autras uniuns culturalas dil vitg ei bein la Uniun dramatica quella cun la pli reha tradiziun. Fundada gl'onn 1911 ha ella, cun pintgas interrupziuns, produciu ina roscha dramas ed autras producziuns. Sco emprema representaziun han ins dau il gest creau drama «Clau Maissen» ord la plema dil nunemblideivel pader Maurus Carnot. Quei toc ha giu da siu temps in grond eco ella val. Già gl'onn sissu (1912) han ins puspei purtau in toc da vaglia, numnadamein il «Gugliem Tell» da Fr. Schiller.

Nus schein suandar ulteriurs tetels da dramas e cumedias, stai giugai alla tribuna da Rabijs:

1913: La Rosa da Bravuogn da Kintschi
1914: Il spazzatgamin, toc humoristic
1916: Gion Andriu
1917: Sogn Alexi
1918: Gracia Morena, toc historic da Albert Haegeli
1919: Clau Maissen da P. Maurus Carnot
1920: Heinrich d'Eichenfels ni La zagrenda
1922: Il mulin da Stansstad da D. Disch
1923: La mort dalla Garda svizra da scol. Sep Mudest Nay
1924: L'oraziun sin santeri da Hans Hausmann
1925: Il cavalier ner, toc musical
ord l'opera da P. Franz Huber
1927: O ventira d'haver ina mumma, da plevon Jean Capaul
1930: Constantin da H. Houben
1931: Ida da Toggenburg, da plevon Jean Capaul
1932: Il misteri dil casti d'Uhlenhorst
1933: Maria Stuart da Fr. Schiller
1934: Il cavafossas da sogn Joust, da Fr. Schare
1935: Il fravi da Rabijs da Gugliem Gadola
1936: Il di dallas olmas da Hans Hausmann
1937: Las auas perpetnas da J. Muff
1938: Ils cruschai da P.P. Cepi,
vers rom. da sur Giachen Berther
1939: Preciosa da Pius Alexi Wolf,
musica da Carl Maria v. Weber
1941: Il fauls engriment da L. Anzengruber
1942: Ils menders da Runcaglia da scol. Alfons Vinzens
1943: Rico da Castelberg ni ils Franzos ella Cadi
da sur Carli Fry
1944: Il trumbettist da Säckingen da Heinrich Houben
1945: Saung confederau d'Anton Bucher
1946: Reto da Hohentannen, drama popular grischun
1947: Jolanda, la nunenconuscenta, da Paul Appenzeller
1948: Monas e Minas da sur Giachen Berther,
tenor la novella da P. Maurus Carnot
1949: La mort da Wallenstein,
da Fr. Schiller, en rom. da sur Giachen Berther

1950: Lavinias e carplinas da J. Muff, Lucerna
1951: Il tradiment da Tremisch da J. Muff, cant Duri Sialm
1952: Giuliano da Medici da H. Plümacher
1956: Il sunadur da Nossadunna da sur Carli Fry
1957: Nossadunna da Fatima da Johannes Domine,
transl. sur Carli Fry
1958: Gl'affon dil di dallas olmas da P. Appenzeller
1959: La crusch zuppada da sur Giusep Durschei
1960: Cenodoxus ni la steila da Paris da Bidermann-
Schaller
1961: Siu aungel da Rud. Dübendorfer
1962: Fabiola da Wiesemann,
en rom. da sur Pius Camenisch
1963: Saung grischun da sur Pius Camenisch
1964: Survetsch al Calvari da Marcel Dornier
1965: Francesco da Marcel Donier,
transl. da sur Giachen Caduff
1966: Emilia Galotti da G.E. Lessing
1967: Maluras e Malauras da Conrad Angst-Burkard
1968: Il prischunier da Rocca Valla da Heinrich Houben
1969: Lavinias e Carplinas (repetiziun)

La nova epoca entscheiva

1981: Don Robur (repetiziun)
1982: Cenodoxus (repetiziun)
1983: Corsin da Laret da sur Giusep Durschei
1984: Il scuavias da s. Stiafen d'Alfons Vinzens, Trun
1985: Emilia Galotti (repetiziun)
1986: Jonny Belinda, drama en 3 acts da Elmar Harris
en rom. da Leo Tuor, Rabijs
1987: Il fauls engriment (repetiziun)
1988: Il ranver da Jean B. Molière,
en rom. da Leo Tuor, Rabijs

La biala retscha da dramas e cumedias ch'ein vegnidas producidas el decuors da quei tschentaner lai mo percorscher las biaras breigias e stentas ch'ins ha investau el teater a Rabijs. Oz dispona Rabijs puspei d'ina generaziun nova da giugadurs capavels che vegn instruida cun bien inschign e capientscha da Gion Lutz.

Carta dalla vischnaunca da Rabiis

Colurescha la carta sco suonda!

uauls (stgir-verd)
praus (clar-verd)
Rein anteriur ed ils uals (blau)
vias (mellen)
viafier (brin)
glera, rivas (grisch)
cunfins (tgietschen)

